



**Vademecum Sive Praxis Opera Quotidiana Aliaque ritè  
peragendi, & per ea salutem & perfectionem propriam, ac  
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per  
sensus attinguntur, animæque potentiis se objiciunt

**Limpens, Ferdinand**

**Coloniæ Agrippinæ, 1744**

2dò. De Sacerdotibus & Episcopiis eorumque distinctione.

---

---

Nutzungsbedingungen

[urn:nbn:de:hbz:466:1-54773](#)

quibus vera Christi Ecclesia consistere non potest. Ergo ab initio quoque Christianitatis non fuit vera Ecclesia; quia idem tunc, qui modo in Catholica Ecclesia modus fuit consecrandi Sacerdotes per Episcopos, &c. manet ergo in consueto, non esse apud Lutheranos aliosque Seculares Sacerdotem verum, qui validè à peccatis absolvere, Eucharistiam confidere possit; nisi forte Apostatam aliquem Catholicum Sacerdotem. Qui tamen utpote non Episcopus alios Sacerdotes consecrare non potest. Hinc Lutheranis idem objici potest, quod Hier. olim Dial. contra Luciferianos accidisse scribit Hilario Diacono Apostatae. *Qui neque Eucharistiam confidere potest, Episcopos & Presbyteros non habens, &c.* quia post se nullum Clericum Diaconum potuit ordinare. Ecclesia autem non est, quan non habet Sacerdotes.

2dō. *De Sacerdotibus & Episcopiis eorumque distinctione.*

Sectarii aliqui dicunt omnes Christianos esse Sacerdotes juxta illud 1. Petr. 2. *Vos autem genus electum, regale Sacerdotium, gens sancta.* Et illud Apoc. 1. *Fecit nos regnum & Sacerdotes Deo Patri suo.* Sed respondit jam dudum August. 1. 20. de Civit. Dei c. 10. *Episcopi & Presbyteri propriè vocantur in Ecclesia Sacerdotes.* Sea sicut omnes Christianos dicimus propter mysticum chrisma, sic omnes Sacerdotes, quoniam membra sunt unius Sacerdotis, de quibus Apost. dixit:

dixit : *plebs sancta regale Sacerdotium.* Si-  
cut etiam omnes Christiani non sunt propriè  
*Reges nec verè Sancti.* Nec tales nascuntur, li-  
cet vocentur à Petro *regale Sacerdotium & gens*  
*sancta.* Dum l. 2. Reg. c. 8. v. 18. Filii David  
dicuntur fuisse Sacerdotes. Septuaginta ver-  
tunt *Aularche vel Aula Principes*, &c; ut i. Pa-  
tall. 18. explicatur, *primi ad manum Regis*, &  
sic, licet *to coben* hebraicè ferè semper Sacer-  
dotem propriè dictum significet, ut Gen. 14.  
v. 18. & alibi. Subintamen v. g. bis, ter ad  
summum usurpatur in Script. pro *Magnate* per  
catechresin, quia is apud Regem in tali ferè au-  
toritate & ministerio est, quali Sacerdos apud  
Deum. Sicut autem Sacerdotes propriè dicti  
in lege scripta fuerunt distincti à Laicis, ità mul-  
tò magis in lege gratiæ. Quòd autem ad Gal.  
3. dicatur : *In Christo JESU non est masculus &*  
*femina.* Inde insolens Sycophanta in-  
fert, etiam fœminas posse esse Sacerdotes, quia  
per hoc, ut ex contextu patet, plus nihil vo-  
luit dicere Apostolus, quam quòd non sit per-  
sonarum acceptio apud Deum, sed omnes sal-  
vare velit, sive vir sit, sive fœmina, sive Græ-  
cus, sive Judeus. Cæterum Apostolus ipse or-  
dinavit Præbyteros, & à cæteris Christianis di-  
stinxit. Sicut Act. 14. & 1. Tim. 5. constituit  
per singulus Ecclesiæ Præbyteros. Ubi nota tex-  
tum hunc in Bibliis Genevæ impressis Anno  
1564. & 1605. ità verum esse. Postquam con-  
sensu congregationum constituerent Seniores per  
omnes Ecclesiæ, to consensu congregationum ad-

ditum est, ut derivaretur potestas in Laicos con-  
stituendi Præsbyteros. Ecce Hæretici semper  
provocant ad purum verbum Dei scriptum, &  
dum advertunt id esse suis placitis omnino contrarium, id corruptum addendo, mutilando,  
& sic ipsi ex verbo Dei verè faciunt verbum hominum, & quidem hominum insurgentium  
contra universalem Ecclesiam & doctrinam à  
primis Christianorum temporibus usque ad nos  
propagatam. Et quid juvat corruptio hujus vel  
illius textus ô miseri? 1. Cor. 12. & Ephes. 4.  
clarè iterum distinguit Paulus Apostolos, Pasto-  
res, &c. à cæteris fidelibus, & Christus non  
omnibus, sed solùm Apostolis eorumque suc-  
cessoribus dedit potestatem sacrificandi, remit-  
tendi peccata, &c. quia ad hos solos dixit: *Quo-  
rum remiseritis peccata*, Joan. 20. & hoc est  
conforme perpetuo Ecclesiæ usui, omniq[ue] sa-  
inæ rationi. Sicut enim in omni ordinata repu-  
blica politica est distinctio graduum ac dignitat-  
um, nec omnes sunt Judices Prætores, ita vel  
maximè in hierarchia Ecclesiastica distinctio de-  
bet esse gradum, quam ex congruentia ratio-  
nis ipsi usque adeo Ethnici habuerunt in sacri-  
culis suis, sicut & Jūdæi ex ordinatione divina  
unum habuerunt summum Pontificem & cate-  
ros subordinatos Sacerdotes & Levitas.

Portò in Ecclesia Catholica Episcopi simpli-  
cibus Sacerdotibus superiores sunt jure divino  
tam potestate ordinis quam iurisdictionis. Nam  
Act. 1. ex numero discipolorum solenni quâ-  
dam cæremoniâ assumptus est S. Matthias loco  
Jude,

Judæ proditoris, & ibi Petrus citat ex Script. veteri celebre illud: *Episcopatum ejus accipias alter.* Ergo judicabant Apostoli à Christo edicti Episcopos esse superiores simplicibus Sacerdotibus potestate ordinis, & Apostolis succedere Episcopos in potestate ordinis & dignitate, quin & jurisdictione. Sacerdotes autem similes succedere cætetis discipulis, qui fuerunt primitiae Sacerdotum. Jurisdictionem Episcopi in Sacerdotes clare stabilit Paulus 1. Tim. 5. dicens: *Adversus Præbyteros accusationem nolite recipere, nisi sub duobus aut tribus testibus.* Ubi & modus, quem injudicando præbytero Episcopus servare debet, præscribitur; & Episcopus ejus judex esse consequenter declaratur, adeoque major jurisdictione, & hoc jure divino. Sic Apoc. 1. & 2. per illos septem Ecclesiarum Angelos intelliguntur illi, qui cum potestate præerant septem Ecclesiis tanquam episcopa, sive Episcopi. Nec ullus ante Aetium, quem dolor repulsa ab affectato Episcopatu præcipitem egit, sustinuit, Episcopum non differre à præbytero. Propterea inter Hæreticos numeratus est à S. Augustino de hæreti cap. 53. Verum est, quod Episcopi & Præbyteri sint æquales in ordine ad certa ministeria præcipue consecrandi & offerendi sacrificium in Altari; non autem in potestate ordinis & jurisdictionis, ut modò ex S. Script. vidimus. Et hinc omnis Episcopus est Præbyter, sed non vice versa, & hoc sensu verum est illud Hier. in Ep. ad Titum. *Idem Præbyter qui Episcopus.* Quanquam fundata

484      *Pars secunda de elevatione*  
data sit suspicio , cùm textus hic non inveniatur  
in purioribus editionibus Romanâ & Colo-  
niensi , sed in Basiliensi , corruptum hic sicut  
& in aliis fuisse Hieron. ab Erâsmo Rotterd.  
Lutherizante. Cæterum Hieron. in Epist. ad  
Evagr. clare præsbyterum ab Episcopo distin-  
guens dicit : *Quid facit Episcopus exceptâ ordi-  
natione , quod non etiam facit presbyter.* Dein  
Episcopum Sacerdotes & Diaconos eo loco esse  
ait , quo olim fuerunt Aaron filii ejus & Levi-  
tæ , quos jure divino inæquales fuisse ex Script.  
novimus. Ipsi Lutherani faciunt etiam distinc-  
tionem inter Superintendentes , Archi-Super-  
intendentes & simplices prædicantes. Sed  
cùm sustineant & sustinere debeant in suis prin-  
cipiis majorem illam dignitatem ac potestatem  
non descendere à jure & ordinatione divina;  
vi cuius nullum dicunt esse discriminem , sed jure  
humano & ordinatione inter illos facta , ipsi se-  
jugulant , eò quod neglectâ ordinatione divina  
sequantur ordinationem humanam , & sic sce-  
lus admittant ; quod toties Catholicis objiciunt  
ex Matth. 15. *Sine causa colunt me docentes do-  
ctrinas & mandata hominum.* Et hinc si ego  
prædicutius tantum ruralis apud illos essem,  
non paterer mihi eripi potestatem ordinandi  
& omnem jurisdictionem in Ecclesia Lutherana  
exercendi , quam exercet Superintendens. Nam  
Deus juxta protestantium doctrinam me fecit  
cuilibet Superintendenti æqualem. Sed pro do-  
ctor , quod itâ omnes æquales sint , ut nullus  
inter eos , excepto fortè Apostolâ Sacerdote ad

eos transfigâ ut supra dictum, verus sit Sacerdos, ut Lomerus concedit. Et si hoc tantum verè probabile esset, deberet prudentem protestantem movere, si salutis suæ amatis sit, ad ingredietidum in gremium veræ Ecclesiæ, prout plures ex iis per hoc ad id faciendum moti sunt. Verè, ut hic Tit. Hæretici ex 1. Timoth. 6. notavi, harent in verbis, & languent circa questiones & pugnas verborum Hæretici, dum suam, si Superis placet, hierarchiam constituant ex Diaconis, præsbyteris & Episcopis juxta Etymologiam horum græcorum verborum. Diaconus dicunt latine Minister est, Præsbyter idem quod senior, Episcopus idem quod vigilans. Sic pure ex libidine Ecclesiæ contradicendi Episcopos ad ima subsellia relegant. Acutius Melanchthon dixit se Electores & Principes Ecclesiasticos in Germania venerari tanquam Principes imperii, eos autem non esse Episcopos, eò quod nomen illud designet Speculatorum vigilem super gregem suam, & in hoc tantum quoad spiritualia se exercentem, ut narrat Palav. in hist. Conc. Trid.

*De universalis Episcopo sive summo omnium  
Pastore.*

**L**aborant summopere Sectarii, ut excludant unum caput supremum, Christique in terris Vicarium, & tamen ipsi vel universum populum Christianum præficiunt toti Ecclesiæ, & sic ejus regimen volunt esse democraticum seu popu-